



Broj: 03-1-02-1-618/2025
Goražde, 20.02.2025. godine

Komisija za budžet, finansije i administrativna pitanja u suradnji sa Službom za privredu i finansije, a u skladu sa Zaključkom sa treće vanredne sjednice Gradskog vijeća Grada Goražde od 12.02.2025. godine, upućuju:

POZIV

Pozivaju se organi i ovlašteni predstavnici u Javnom komunalnom preduzeću, Javnom preduzeću, Javnim ustanovama i Zdravstvenim ustanovama kojima je Grad Goražde osnivač, na

RASPRAVU

o Nacrtu Odluke o naknadama za rad u organima Javnog komunalnog preduzeća, javnog preduzeća, javnih ustanova i zdravstvenih ustanova čiji je osnivač Grad Goražde

koja će se održati:

- Dana 25.02.2025. godine, sa početkom u 14⁰⁰ sati, u Velikoj Sali Gradske uprave Grada Goražde, ul. M.Tita broj: 2,

Nacrt navedene odluke Vam dostavljamo u prilogu ovog Poziva, a također može se pogledati na oglasnoj ploči Gradske uprave Grada Goražde i na web stranici Grada Goražde ili u Službi za privredu i finansije.

Prijedlozi i primjedbe, mišljenja i sugestije na Nacrt Odluke mogu se dostaviti u Službu za privredu i finansije neposredno ili putem pošte na adresu: Gradska uprava Grada Goražde, ul.M.Tita br: 2. sve do 04.03.2025.godine.

OVAJ POZIV TREBA SE SMATRATI SLUŽBENIM I ZVANIČNIM POZIVOM

**PREDSJEDNIK KOMISIJE
ZA BUDŽET, FINANSIJE I
ADMINISTRATIVNE POSLOVE**

Nermin Mujezinović

POMOĆNIK GRADONAČELNIKA

Muamer Krašić

Na osnovu Člana 17. Statuta Grada Goražde („Službene novine Grada Goražde“, broj: 5/18) i Člana 115. Poslovnika Gradskog vijeća Grada Goražde („Službene novine Grada Goražde“, broj: 2/20 i 3/20), Gradsko vijeće Grada Goražde na svojoj _____ sjednici, održanoj dana _____ 2025. godine, donosi

**ODLUKU O NAKNADAMA ZA RAD U ORGANIMA JAVNOG KOMUNALNOG
PREDUZEĆA, JAVNOG PREDUZEĆA, JAVNIH USTANOVA I ZDRAVSTVENIH
USTANOVA ČIJI JE OSNIVAČ GRAD GORAŽDE**

Član 1

Ovom odlukom utvrđuje se najviši iznos i način isplate neto naknade za rad u organima javnog komunalnog preduzeća, javnog preduzeća, javnih ustanova i zdravstvenih ustanova čiji je osnivač Grad Goražde, kako slijedi:

1. Članovima Nadzornog odbora Javnog preduzeća za komunalne djelatnosti „6. Mart“ Goražde određuje se mjesečna neto naknada:
 - a) predsjedniku do 120,00 KM,
 - b) članu do 90,00 KM;
2. Članovima Odbora za reviziju u Javnom preduzeću za komunalne djelatnosti „6. Mart“ Goražde određuje se mjesečno neto naknada:
 - a) predsjedniku do 50,00 KM,
 - b) članu do 35,00 KM.
3. Članovima Nadzornog odbora Javnog preduzeća „Veterinarska stanica“ Goražde određuje se mjesečna neto naknada:
 - a) predsjedniku do 75,00 KM,
 - b) članu do 50,00 KM;
4. Članovima Odbora za reviziju u Javnom preduzeću „Veterinarska stanica“ Goražde određuje se mjesečno neto naknada:
 - a) predsjedniku do 50,00 KM,
 - b) članu do 35,00 KM.
5. Članovima Upravnog odbora Javne ustanove za predškolski odgoj i obrazovanje Goražde određuje se mjesečna neto naknada:
 - a) predsjedniku do 100,00 KM,
 - b) članu do 75,00 KM.
6. Članovima upravnih odbora u ostalim javnim ustanovama (Javna ustanova „Centar za kulturu“ Goražde, Javna ustanova „Sportski centar“ Goražde i Javna ustanova Edukacijsko-rehabilitacijski centar za djecu, mlade i odrasle osobe sa teškoćama u razvoju „Buđenje“ Goražde) određuje se mjesečna neto naknada:
 - a) predsjedniku do 75,00 KM,
 - b) članu do 50,00 KM.
7. Članovima upravnog odbora Javne zdravstvene ustanove Dom zdravlja „Dr. Isak Samokovlija“ Goražde određuje se mjesečna neto naknada:
 - a) predsjedniku do 100,00 KM,

- b) članu do 75,00 KM.
8. Članovima upravnog odbora Javne zdravstvenoj ustanove Apoteka „9. Maj“ Goražde određuje se mjesečna neto naknada:
- a) predsjedniku do 75,00 KM,
b) članu do 50,00 KM.

Iznos i način isplate neto naknade za rad tehničkog lica za potrebe skupština, upravnih odbora, nadzornih odbora i odbora za reviziju utvrdit će direktori.

Član 2

Mjesečne naknade iz Člana 1. ove Odluke mogu se isplatiti za mjesec u kojem je održana najmanje jedna sjednica navedenih organa preduzeća ili ustanove.

Nadležni organ u javnom komunalnom preduzeću, javnom preduzeću, javnoj ustanovi za predškolski odgoj i obrazovanje, javnim ustanovama i zdravstvenim ustanovama čiji je osnivač Grad Goražde mogu utvrditi naknade u manjem, ali ne i u većem iznosu od iznosa utvrđenog u Članu 1. ove Odluke.

Naknade iz Člana 1. ove Odluke se isplaćuju iz sredstava javnog komunalnog preduzeća, javnog preduzeća, javne ustanove za predškolski odgoj i obrazovanje, javnih ustanova, zdravstvenih ustanove čiji je osnivač Grad Goražde.

Naknada se isplaćuje na osnovu zaključenih pojedinačnih ugovora, u skladu sa ovom Odlukom i drugim propisima.

Član 3

Obavezuju se javno komunalno preduzeće, javno preduzeće, javna ustanova za predškolski odgoj i obrazovanje, javne ustanove i zdravstvene ustanove čiji je osnivač Grad Goražde da svoja akta usklade sa ovom Odlukom u roku od 30 dana od dana stupanja na snagu ove Odluke.

Član 4

Za realizaciju ove Odluke zadužuju se organi rukovođenja u javnom komunalnom preduzeću, javnom preduzeću, javnoj ustanovi za predškolski odgoj i obrazovanje, javnim ustanovama i zdravstvenim ustanovama.

Član 5

Ova Odluka stupa na snagu osmog dana od dana objavljivanja u „Službenim novinama Grada Goražde“.

Broj:

Datum:

PREDSJEDAVAJUĆI GRADSKOG VIJEĆA

Bajro Obuća

OBRAZLOŽENJE

Članom 64. stavovi 5. i 12. Zakona o zdravstvenoj zaštiti („Službene novine FBiH“, br. 46/10 u 75/13) propisuje da Upravni odbor zdravstvene ustanove u svojini općine/grada ima tri člana i čine ga predstavnici: osnivača - jedan član; stručnih radnika zdravstvene ustanove - jedan član; kantonalnog ministarstva - jedan član. Predsjednika i članove upravnog odbora zdravstvene ustanove imenuje i razrješava općinsko/gradsko vijeće, na prijedlog načelnika/gradonačelnika. Mjesečnu naknadu za rad predsjednika i članova upravnog odbora zdravstvenih ustanova utvrđuje Vijeće, na prijedlog gradonačelnika. Naknade se isplaćuju iz sredstava zdravstvene ustanove. Naknada i druga prava članova Upravnog odbora javnih zdravstvenih ustanova uređuju se ugovorom na osnovu ove Odluke i odluke Upravnog odbora.

Upravni odbor JU Dom zdravlja „Dr. Isak Samokovlija“ Goražde ima 3 člana, a članove UO imenuje Vijeće na prijedlog gradonačelnika.

Upravni odbor JZU Apoteka „9. Maj“ Goražde ima 3 člana, a članove Upravnog odbora imenuje Vijeće na prijedlog gradonačelnika.

Uredba sa zakonskom snagom o ustanovama („Sl. list RBiH“, br. 6/92) propisuje da Upravni odbor JU ima najmanje tri, a najviše devet članova. Predsjednika i članove Upravnog odbora imenuje i razrješava osnivač, odnosno izvršni organ grada (gradonačelnik). Osnivač donosi akt o pitanjima od značaja za rad ustanove. Naknadu za rad predsjednika i članova upravnog odbora javnih ustanova po održanoj sjednici utvrđuje Vijeće, na prijedlog gradonačelnika. Naknade se isplaćuju iz sredstava javnih ustanova. Naknada i druga prava članova Upravnog odbora javnih ustanova uređuju se ugovorom na osnovu ove Odluke i odluke Upravnog odbora.

Upravni odbor JU za predškolski odgoj i obrazovanje Goražde ima 5 članova, a članove Upravnog odbora imenuje gradonačelnik.

Upravni odbor JU „Centar za kulturu“ Goražde ima 5 članova, a članove Upravnog odbora imenuje gradonačelnik.

Upravni odbor JU „Sportski centar“ Goražde ima 3 člana, a članove Upravnog odbora imenuje gradonačelnik.

Upravni odbor JU ERC „Buđenje“ Goražde ima 5 članova, a članove Upravnog odbora imenuje gradonačelnik.

Zakon o privrednim društvima („Službene novine FBiH“, br. 81/15 i 75/21) i Zakon o javnim preduzećima u FBiH („Sl. novine FBiH“, br. 8/05, 81/08, 22/09 i 109/12) propisuju da su organi preduzeća: skupština, nadzorni odbor, uprava (menadžment) i odbor za reviziju. Naknade za rad se isplaćuju iz sredstava javnih ustanova. Naknada i druga prava predsjednika i članova Skupštine, NO i Odbora za reviziju JKP „6. mart“ i JP „Veterinarska stanica“ uređuju se ugovorom na osnovu ove Odluke i odluke Skupštine preduzeća.

Skupština JKP „6. Mart“ broji 5 članova, a članove skupštine imenuje Vijeće. Skupština JP „Veterinarska stanica“ broji 3 člana, a članove skupštine imenuje Vijeće.

Nadzorni odbor JKP „6. Mart“ broji 3 člana, a članove Nadzornog odbora imenuje Skupština JKP.

Nadzorni odbor JP „Veterinarska stanica broji 3 člana, a članove Nadzornog odbora imenuje Skupština JP.

Odbor za reviziju JKP „6. mart“ broj 3 člana, a članove Odbora za reviziju imenuje Skupština, na prijedlog Nadzornog odbora.

Odbor za reviziju JP „Veterinarska stanica“ broji 3 člana, a članove Odbora za reviziju imenuje Skupština, na prijedlog Nadzornog odbora.



SLUŽBA ZA PRIVREDU I FINANSIJE

3